

Mostar, 26. 03. 2021. godine

/Sabina Pintul/

Na osnovu člana 1. stav 3. i 4. Okvirnog Zakona o osnovnom i srednjem obrazovanju u Bosni i Hercegovini (Službeni glasnik Bosne i Hercegovine broj: 18/03) i člana 95. Zakona o osnovnom odgoju i obrazovanju (Službene novine Hercegovačko-neretvanskog kantona broj: 5/00, 4/04, 5/04, 1/14 i 7/16), nakon dobivene saglasnosti od strane Grada Mostara kao osnivača broj: \_\_\_\_\_ i Ministarstva obrazovanja, nauke, kulture i sporta Hercegovačko-neretvanskog kantona broj: \_\_\_\_\_, Školski odbor JU Osnovne škole „Zalik“ Mostar, na sjednici održanoj dana 26. 03. 2021. godine, donosi

### **Prijedlog**

## **ODLUKU O IZMJENAMA I DOPUNAMA PRAVILA JU OSNOVNE ŠKOLE „ZALIK“ MOSTAR**

### **Član 1.**

Član 7. Pravila JU Osnovne škole „Zalik“ Mostar se mijenja i isti sada glasi:

„Puni naziv Škole je Javna ustanova Osnovna škola „Zalik“ Mostar sa potpunom odgovornošću.

Skraćeni naziv Škole je JU Osnovna škola „Zalik“ Mostar.

Javna ustanova Osnovna škola „Zalik“ Mostar (U daljem tekstu: Škola) u svom sastavu ima Područnu devetorazrednu školu/područna devetorazredna odjeljeljenja Gubavica.

Sjedište Škole je u Mostaru, Univerzitetski sportsko-rekreacioni centar Mithat Hujdur Hujka bb.

Upisno područje Škole je područje Mjesne zajednice Zalik koje uključuje Baffo naselje i područje Gubavice.

O promjeni naziva i sjedišta Škole i drugim statusnim promjenama odlučuje Školski odbor uz saglasnost Osnivača i Ministarstva, na način i u postupku utvrđenom Zakonom“

### **Član 2.**

Član 9. Pravila stav 1. se mijenja i isti sada glasi:

„Dan škole je 21.mart i obilježava se javnim, kulturnim, sportskim i drugim aktivnostima kojima se ističu rezultati odgojno-obrazovnog rada.“

### **Član 3.**

Član 11. Pravila stav 1. se mijenja i isti sada glasi:

„Djelatnost škole, u skladu sa Odlukom o klasifikaciji djelatnosti Bosne i Hercegovine 2010 je:

85.20. - osnovno obrazovanje.“

### **Član 4.**

Član 21. Pravila se mijenja i isti sada glasi:

„Nastava se organizira po razredima, a neposredno izvodi u odjeljenjima i odgojno-obrazovnim grupama.

Za učenike od prvog (I) do petog (V) razreda, nastava se organizira kao razredna, a za učenike od šestog (VI) do devetog (IX) razreda, nastava se organizira kao predmetna.

Za učenike razredne nastave predmetna nastava može se organizirati iz stranih jezika, a za učenike petog (V) razreda i iz odgojnih područja (likovna, muzička, tjelesna kultura).

Nastava se izuzetno može organizirati i online, za sve ili za pojedine razrede i odjeljenja, u skladu sa uputama i instrukcijama Ministarstva, na osnovu naredbi, preporuka i mjera za škole koje donose nadležne institucije.“



#### **Član 5.**

Član 47. stav 6. Pravila se mijenja i isti sada glasi:

„Opći uspjeh učenika od šestog (VI) do devetog (IX) razreda utvrđuje, na prijedlog predmetnih nastavnika, odjeljensko vijeće.“

#### **Član 6.**

Član 52. stav 4. Pravila se mijenja i isti sada glasi:

„Učenik devetog razreda (IX) koji na kraju nastavne godine ima ocjenu nedovoljan (1) iz jednog predmeta, može polagati popravni ispit nakon isteka petnaest (15) dana od dana kada mu je saopćen opći uspjeh, bez prava ponovnog polaganja u augustu.“

#### **Član 7.**

Član 55. stav 3. i stav 4. se mijenjaju i isti sada glase:

„Učenicima prvog (I), drugog (II), trećeg (III), četvrtog (IV) i petog (V) razreda u učeničkoj knjižici evidentira se uspjeh na kraju nastavne, odnosno školske godine i služi kao dokaz o završenom razredu.

Učenicima šestog (VI), sedmog (VII), osmog (VIII) i devetog (IX) razreda na kraju nastavne, odnosno školske godine izdaje se svjedodžba o završenom razredu.“

#### **Član 8.**

Član 65. Pravila se mijenja i isti sada glasi:

„Na izrečenu pedagošku mjeru učenik, odnosno njegov roditelj ili staratelj imaju pravo žalbe drugostepenom organu škole.

Odluka drugostepenog organa škole je konačna, osim u slučaju kada se radi o izrečenoj mjeri premještanja učenika u drugu školu, gdje roditelj odnosno staratelj učenika može uložiti prigovor Ministarstvu u roku od 3(tri) dana od dana prijema pismene odluke drugostepenog organa.

Ulaganje prigovora odlaže izvršenje izrečene mjere.“

#### **Član 9.**

U članu 66. Pravila iza stava 2. dodaje se novi stav 3. koji glasi:

„U cilju očuvanja zdravlja učenika i školskog osoblja škola je dužna postupati u skladu sa higijensko-epidemiološkim naredbama, preporukama i mjerama nadležnih institucija.“

#### **Član 10.**

Član 77. Pravila se mijenja i sada glasi:

„Član Školskog odbora ne može biti:

- a) Direktor, zamjenik i pomoćnik direktora i čelnik sindikata u školama kantona,
- b) Osoba koja je kažnjavana.“

#### **Član 11.**

Član 91. Pravila se mijenja i isti sada glasi:

„Odluka o izboru kandidata donosi se većinom glasova od ukupnog broja članova Školskog odbora.

Školski odbor je obavezan u skladu sa Odlukom Gradskog vijeća Grada Mostara o kriterijima i postupku za imenovanje upravnih odbora/upravnih vijeća javnih ustanova čiji osnivač je Grad Mostar te njihovim pravima, obavezama i odgovornosti (Službeni glasnik

Grada Mostara broj 5/05) prije odlučivanja u Školskom odboru pribaviti odnosno zatražiti pismeni stav gradonačelnika o imenovanju direktora i pomoćnika direktora.

Škola je obavezna u roku od 30 (trideset) dana od dana zaključivanja konkursa za izbor direktora dostaviti Ministarstvu prijedlog kandidata za direktora radi davanja saglasnosti.

Po pribavljanju saglasnosti Ministarstva, Školski odbor donosi odluku o imenovanju direktora škole.

U roku od 8 (osam) dana od dana imenovanja direktora škole, pismenim putem će se o odluci o imenovanju direktora obavijestiti svi učesnici konkursa.

Ukoliko škola propusti rok iz stava 3. ovoga člana ili predloženi kandidat iz određenih razloga ne dobije potrebnu saglasnost, Ministarstvo će tada, uz mišljenje Osnivača, imenovati vršioca dužnosti direktora škole na mandat od 6 (šest) mjeseci.

Vršilac dužnosti direktora ima ista prava i obaveze kao direktor škole.

Najkasnije 3(tri) mjeseca prije isteka mandata vršiocu dužnosti direktora, škola pristupa raspisivanju konkursa za izbor i imenovanje direktora, u skladu sa Zakonom i ovim Pravilima.“

#### **Član 12.**

Član 93. stav 1. Pravila se mijenja i isti sada glasi:

„Direktor škole imenuje se na razdoblje od 4 (četiri) godine i po isteku prvog mandata ista osoba može u istoj školi biti ponovno imenovana na samo još jedan mandat. Po isteku mandata direktora, škola je dužna osobi osigurati radno mjesto u skladu sa stručnom spremom i radnom sposobnosti.“

#### **Član 13.**

Član 95. stav 3. Pravila se mijenja i isti sada glasi:

„Pomoćnik direktora škole imenuje se na razdoblje od 4 (četiri) godine i po isteku prvog mandata ista osoba može u istoj školi biti ponovno imenovana na samo još jedan mandat. Po isteku mandata pomoćnika direktora, škola je dužna osobi osigurati radno mjesto u skladu sa stručnom spremom i radnom sposobnosti.“

#### **Član 14.**

Član 128. Pravila se mijenja i isti sada glasi:

„Djelatnost osnovnog obrazovanja finansira se sredstvima iz Budžeta Kantona i Budžeta jedinice lokalne samouprave.“

#### **Član 15.**

U članu 129. iza tačke 4. dodaje se nova tačka 5. koja glasi:

„ 5. Prevoz zaposlenika.“

#### **Član 16.**

Član 130. Pravila se mijenja i isti sada glasi:

„Jedinica lokalne samouprave/osnivač škole dužan je osigurati sredstva za:

1. Prevoz učenika,
2. Prehranu i produženi boravak učenika,
3. Materijalne troškove, amortizaciju i
4. Tekuće održavanje prostorija, nabavku opreme i nastavnih pomagala.“



#### Član 17.

Iza člana 130. dodaje se novi član 130a. koji glasi:

„Jedinica lokalne samouprave/osnivač škole dužna je osigurati besplatan prevoz za učenike.

Način i uslovi obavljanja prevoza uredit će se posebnom odlukom jedinice lokalne samouprave/osnivača škole.“

#### Član 18.

U članu 133. stavu 2. Pravila briše se alineja.

#### Član 19.

Iza člana 134. dodaje se novi član 134a. koji glasi:

„Protokol o postupanju u slučaju nasilja u školi (Službene novine HNK-a broj 8/12), koji je donijelo Ministarstvo, sastavni je dio Pravila škole.“

#### Član 20.

Ova Odluka stupa na snagu osmog dana od dana donošenja, a objavit će se na oglasnoj tabli i web. stranici škole.

Broj: 05-02-93-1/21  
Mostar, 26. 03.2021.godine



Predsjednica Školskog odbora

  
Sabina Pintul